



GODINA III

SARAJEVO, 15.04.2025.

BROJ 3

## SAOBRAĆAJ

### Prvi put registrovana cestovna motorna vozila, mart 2025.<sup>1</sup>


U martu 2025. godine prvi put registrovano je 8 993 motorna vozila, što predstavlja pad od 0,3% u broju prvi put registrovanih motornih vozila u Bosni i Hercegovini u odnosu na isti mjesec prethodne godine. Od ukupnog broja prvi put registrovanih vozila najzastupljeniji su: putnički automobili (75,2%), kamioni (6,8%), motocikli (4,4%), prikolice (3,7%), specijalna vozila i mopedi (1,3%), poluprikolice (1,2%), cestovni tegljači (1,0%), dok je najmanji udio prvi put registrovanih autobusa (0,3%). Kategorija ostalo učestvuje sa 4,8% registrovanih motornih vozila u odnosu na ukupan broj registrovanih vozila.

Ukupno je registrovano 1 330 novih motornih vozila, što predstavlja pad od 8,9% u broju prvi put registrovanih novih motornih vozila u Bosni i Hercegovini u odnosu na isti mjesec prethodne godine. Od ukupnog broja prvi put registrovanih vozila u martu 2025. godine 14,8% odnosi se na nova vozila. U periodu januar – mart 2025. godine ukupno je registrovano 3 625 novih motornih vozila što predstavlja pad od 5,2% u odnosu na isti period prethodne godine.

Ukoliko posmatramo prvi put registrovana nova motorna vozila, procentualno najviše je registrovanih putničkih automobila (47,4%). Tokom marta 2025. godine od ukupnog broja prvi put registrovanih novih vozila 57,1% vozila registrovano je od strane fizičkih lica.

U kategoriji novi putnički automobili, najveće procentualno učešće imaju automobili koji kao pogonsko gorivo koriste benzin (51,1%).

#### G.1. Prvi put registrovana nova i polovna vozila, mart 2025.



<sup>1</sup> Izvor podataka: Agencija za identifikacione dokumente, evidenciju i razmjenu podataka Bosne i Hercegovine


### T.1. Prvi put registrovana motorna vozila u BiH

| Kategorije motornih vozila | Period      |             | Promjena   |             | Period       |              | Promjena    |            |
|----------------------------|-------------|-------------|------------|-------------|--------------|--------------|-------------|------------|
|                            | III 2024    | III 2025    | Ukupno     | u %         | I - III 2024 | I - III 2025 | Ukupno      | u %        |
| <b>Ukupno</b>              | <b>9023</b> | <b>8993</b> | <b>-30</b> | <b>-0,3</b> | <b>23945</b> | <b>25483</b> | <b>1538</b> | <b>6,4</b> |
| Mopedi                     | 136         | 120         | -16        | -11,8       | 255          | 194          | -61         | -23,9      |
| Motocikli                  | 385         | 391         | 6          | 1,6         | 588          | 594          | 6           | 1,0        |
| Putnički automobili        | 6734        | 6759        | 25         | 0,4         | 18468        | 19918        | 1450        | 7,9        |
| Autobusi                   | 47          | 25          | -22        | -46,8       | 97           | 83           | -14         | -14,4      |
| Kamioni                    | 669         | 613         | -56        | -8,4        | 1750         | 1782         | 32          | 1,8        |
| Cestovni tegljači          | 113         | 94          | -19        | -16,8       | 317          | 280          | -37         | -11,7      |
| Specijalna vozila          | 79          | 120         | 41         | 51,9        | 142          | 274          | 132         | 93,0       |
| Prikolice                  | 328         | 335         | 7          | 2,1         | 792          | 826          | 34          | 4,3        |
| Poluprikolice              | 134         | 109         | -25        | -18,7       | 374          | 307          | -67         | -17,9      |
| Ostalo <sup>2</sup>        | 398         | 427         | 29         | 7,3         | 1162         | 1225         | 63          | 5,4        |

### T.2. Prvi put registrovana nova motorna vozila


| Kategorije motornih vozila | Period      |             | Promjena    |             | Period       |              | Promjena    |             |
|----------------------------|-------------|-------------|-------------|-------------|--------------|--------------|-------------|-------------|
|                            | III 2024    | III 2025    | Ukupno      | u %         | I - III 2024 | I - III 2025 | Ukupno      | u %         |
| <b>Ukupno</b>              | <b>1460</b> | <b>1330</b> | <b>-130</b> | <b>-8,9</b> | <b>3825</b>  | <b>3625</b>  | <b>-200</b> | <b>-5,2</b> |
| Mopedi                     | 56          | 57          | 1           | 1,8         | 95           | 73           | -22         | -23,2       |
| Motocikli                  | 62          | 114         | 52          | 83,9        | 106          | 170          | 64          | 60,4        |
| Putnički automobili        | 757         | 630         | -127        | -16,8       | 2135         | 1998         | -137        | -6,4        |
| Autobusi                   | 8           | 4           | -4          | -50,0       | 14           | 6            | -8          | -57,1       |
| Kamioni                    | 167         | 114         | -53         | -31,7       | 407          | 309          | -98         | -24,1       |
| Cestovni tegljači          | 21          | 10          | -11         | -52,4       | 55           | 28           | -27         | -49,1       |
| Specijalna vozila          | 19          | 26          | 7           | 36,8        | 46           | 60           | 14          | 30,4        |
| Prikolice                  | 176         | 176         | 0           | 0,0         | 429          | 422          | -7          | -1,6        |
| Poluprikolice              | 29          | 18          | -11         | -37,9       | 80           | 50           | -30         | -37,5       |
| Ostalo <sup>2</sup>        | 165         | 181         | 16          | 9,7         | 458          | 509          | 51          | 11,1        |

### G.2. Prvi put registrovana nova vozila, prema tipu vlasništva, mart 2025.



<sup>2</sup> Kategorija ostalo uključuje: traktore, priključna vozila za traktore.

### G.3. Prvi put registrovana nova vozila, prema tipu pogonskog goriva, mart 2025.



#### METODOLOŠKA OBJAŠNENJA

##### Izvori i metode prikupljanja podataka

Podatke u ovom saopćenju Agencija za statistiku Bosne i Hercegovine kompilira na osnovu dostupne baze podataka o registrovanim cestovnim motornim vozilima Agencije za identifikacione dokumente, evidenciju i razmjenu podataka Bosne i Hercegovine – IDDEEA.

##### DEFINICIJE

**Datum prve registracije** motornog vozila je datum prve registracije novog vozila kada je upisan u jedinstvenu bazu registrovanih vozila, bez obzira na zemlju registrovanja.

**Prvi put registrovana vozila** uključuju prvi put registrovana vozila u referentnom periodu (datum prve registracije) kao i ponovnu registraciju ranije registrovanih vozila, koja su određeni period bila u stanju mirovanja. U ovu kategoriju uključuju se i uvezena polovna vozila.

**Cestovno motorno vozilo** je cestovno vozilo sa motorom koji čini njegovo jedino pogonsko sredstvo, koje obično služi za prijevoz putnika ili robe, odnosno za vuču cestom vozila koja se koriste za prijevoz putnika ili robe.

**Cestovno vozilo za prijevoz putnika** je cestovno vozilo koje je isključivo ili uglavnom projektovano za prijevoz jedne ili više osoba.

**Moped** je cestovno vozilo na dva, tri ili četiri točka sa motorom zapremine od najviše 50 cm<sup>3</sup> i čija je brzina fabrički ograničena u skladu sa važećim nacionalnim propisima.

**Motocikl** je cestovno motorno vozilo na dva, tri ili četiri točka čija masa bez tereta ne prelazi 400 kg. Obuhvataju se sva ostala vozila zapremine motora od 50 cm<sup>3</sup> ili više, kao i vozila zapremine motora ispod 50 cm<sup>3</sup>, ali koja ne pripadaju kategoriji mopeda.

**Putnički automobil** je cestovno motorno vozilo osim mopeda ili motocikla, namijenjeno prijevozu putnika, sa najviše devet sjedišta za odrasle osobe (uključujući i mjesto vozača).

**Autobus ili mini-bus** je putničko cestovno motorno vozilo projektovano da primi više od devet osoba (uključujući i vozača).

**Autobus, gradski** je putničko cestovno motorno vozilo projektovano da primi više od dvadeset četiri osobe (uključujući i vozača), namijenjeno kako za prijevoz putnika koji sjede tako i za putnike koji stoje.

**Autobus, međugradski** je putničko cestovno motorno vozilo projektovano za dvadeset četiri sjedišta i više (uključujući i vozača) i konstruisano isključivo za prijevoz putnika koji sjede.

**Mini-bus** je putničko cestovno motorno vozilo projektovano za prijevoz 10-23 osoba koje sjede ili stoje (uključujući i vozača).

**Trolejbus** je cestovno vozilo za prijevoz putnika sa više od devet sjedišta za odrasle (uključujući i mjesto vozača) povezano sa električnim provodnikom i koje se ne kreće po šinama.

**Cestovno motorno vozilo za prijevoz robe** je cestovno motorno vozilo, samostalno (kamion) ili kombinacija više cestovnih vozila (kamion sa prikolicom ili prikolicama, ili cestovni tegljač sa poluprikolicom i sa/bez prikolice) projektovane za prijevoz robe.

**Kamion** je robusno cestovno motorno vozilo projektovano isključivo ili uglavnom za prijevoz robe.

**Cestovni tegljač** je cestovno motorno vozilo koje je isključivo ili uglavnom namijenjeno za vuču drugih cestovnih vozila bez motora (uglavnom poluprikolice). Ne obuhvataju se poljoprivredni traktori.

**Poljoprivredni traktor** je motorno vozilo isključivo ili uglavnom projektovano u poljoprivredne svrhe, bez obzira da li mu je dozvoljeno ili nije kretanje po cestama otvorenim za javni saobraćaj.

**Prikolica** je cestovno vozilo za prijevoz robe koje je projektovano da bude vučeno drugim cestovnim motornim vozilom.

**Poljoprivredna prikolica** je prikolica isključivo (ili uglavnom) projektovana u poljoprivredne svrhe i da bude vučena poljoprivrednim traktorom, bez obzira da li joj je dozvoljeno kretanje po cestama otvorenim za javni saobraćaj.

**Poluprikolica** je cestovno vozilo za prijevoz robe bez prednje osovine projektovano tako da se jedan dio vozila i znatan dio njegovog tovara oslanja na cestovni tegljač.

**Nosivost** je maksimalna masa (težina) robe dozvoljena od nadležnog organa zemlje registracije vozila.

**Najveća dozvoljena masa vozila** je maksimalna tehnički dozvoljena masa (najveća dozvoljena masa) je podatak koji se dobije sabiranjem mase vozila i dopuštene nosivosti.

**Masa vozila** je masa praznog vozila sa punim rezervoarom goriva, priborom i opremom predviđenom za vozilo.

**Dopuštena nosivost** je dopuštena masa do koje se vozilo smije opteretiti, prema deklaraciji proizvođača.

**Starost cestovnog vozila** je broj godina proteklih od prve registracije cestovnog vozila, bez obzira na zemlju registrovanja.

**Pogonska energija** je osnovna vrsta pogonske energije koju koriste motorna vozila odobrena od nadležnog organa zemlje registracije vozila.

**Alternativno gorivo** je vrsta pogonske energije motora koja nije konvencionalno gorivo.

Publikuje Agencija za statistiku Bosne i Hercegovine, 71000 Sarajevo, Zelenih beretki 26

Telefon: +387 (33) 911 911 | Telefaks: +387 (33) 220 622  
Elektronska pošta: [bhas@bhas.gov.ba](mailto:bhas@bhas.gov.ba) | Internetska stranica: [www.bhas.gov.ba](http://www.bhas.gov.ba)

Odgovorne osobe:

Alen Bajramović, šef Odsjeka za uslužne statistike

Vesna Čužić, direktorica

Saopćenje priredila: Emina Mehanović



Razmislite o očuvanju okoliša prije štampanja dokumenta.